

Դրամաշնորհային հաշվետվություն N_2_

1. Ընդհանուր տեղեկատվություն

Ծրագրի անվանում	«Տարեցների և հաշմանդամություն ունեցող անձանց տնային պայմաններում խնամքի ծառայություններ»
Դրամաշնորհի N	ԴՏԴ-1032-11002/2024-ԱՎ
Դրամաշնորհատու կազմակերպություն	ՀՀ ԱՍՀՆ
Դրամաշնորհառու կազմակերպություն	«Արմավիրի զարգացման կենտրոն» ՀԿ
Ծրագրի իրականացման ժամանակահատված	01.01.2024-31.12.2024
Հաշվետու ժամանակահատված	01.04.2024-30.06.2024
Ներկայացման օր	04.07.2024
Հաշվետվության պատասխանատու (անուն, ազգանուն, պաշտոն)	Նաիրա Առաքելյան, ՀԿ Նախագահ

2. Բովանդակային հաշվետվություն

2.1 Խնդրում ենք թվարկել աշխատանքային պլանով և պայմանագրի թիվ 1 հավելվածով սահմանված միջոցառումների (այսուհետ՝ միջոցառում) շրջանակում կատարման ենթակա գործողությունները հաշվետու ժամանակահատվածի համար:

Ծրագրի հաշվետու ժամանակահատվածում իրականացվել են հետևյալ գործողությունները.

- **Շահառուների կարիքների գնահատում.** Հաշվետու ժամանակահատվածում իրականացվել է 3 շահառուների կարիքների գնահատում համապատասխան մեթոդաբանությամբ, որի արդյունքում ստացել ենք հստակ նկարագիր շահառուի կարիքների վերաբերյալ: Նրանք Արմավիր քաղաքի բնակիչներ են՝ տարեց և/կամ հաշմանդամություն ունեցող անձիք:
- **Անհատական սոցիալական ծրագրի մշակում.** Գնահատման արդյունքում սոց.աշխատողի գլխավորությամբ թիմի կողմից մշակվել է յուրաքանչյուր շահառուի անհատական սոցիալական ծրագիր, որի արդյունքում յուրաքանչյուր շահառուի համար արդեն առկա է հստակ ծրագիր/պլան, որի հիման վրա մատուցվում են անհրաժեշտ ծառայությունները:
- **Շահառուների հետ պայմանագրերի կնքում.** Կարիքները գնահատված շահառուների հետ կնքվել են ծառայությունների մատուցման պայմանագիր, որը թույլ է տալիս ունենալ իրավական կարգավորում ծառայություն մատուցողի և ծառայություն ստացողի միջև:
- **Ամենօրյա խնամքի ծառայությունների մատուցում.** Ըստ շահառուների հետ կնքված պայմանագրի, ծառայությունների մատուցման ժամանակացույցի և անհատական սոցիալական ծրագրի՝ ծրագրի հաշվետու ժամանակահատվածում շահառուներին մատուցվել են խնամքի անհրաժեշտ ծառայություններ շահառուների տանը՝ կենցաղային սպասարկում, բժշկական օգնություն և սպասարկում, սոցիալական խորհրդատվության տրամադրում:

Սոցիալական աշխատողը հաշվետու ժամանակահատվածում աշխատակիցներին ծանոթացրել է նոր ներառված 3 շահառուների հետ, տարեցներին ներկայացրել աշխատանքի բովանդակությունը: Սոցիալական աշխատողը ութ շահառուի աջակցել է սոցիալական նպաստի տարեկան

փաստագրաման համար անհրաժեշտ փաստաթղթերը և դիմումները ներկայացնել Արմավիրի ՄՍԾ ՏԿ: Հաշվետու ժամանակահատվածում հինգ շահառուի համար սոցիալական աշխատողը ՄՍԾ է ներկայացրել անհրաժեշտ փաստաթղթերը եռամսյակային հրատապ օգնություն ստանալու նպատակով: Սոցիալական աշխատողը աջակցել է մեկ թոշակառուի թոշակի անկանխիկ վճարման եղանակի անցման կազմակերպմանը: Մեկ տարեցի սոցիալական աշխատողը աջակցել է նոր անձնագրի ստացման հարցում: Սոցիալական աշխատողը 3 շահառուի աջակցել է ընդգրկվել Հայկական Կարմիր Խաչի Արմավիր քաղաքի միայնակ տարեցների ցուցակ, որոնց Հայկական Կարմիր Խաչի կողմից տրամադրվել են սննդի և հիգիենիկ պարագաների փաթեթներ: Սոցիալական Աշխատողի ջանքերով երեք տարեց Արմավիրի համայնքապետարանից, երկու տարեց՝ Արմավիրի մարզպետարանից ստացել են դրամական աջակցություններ:

Հաշվետու ժամանակահատվածում նոր ընդունված տարեցի համար սոցիալական աշխատողը և բուժքույրը սկսել են անձի ֆունկցիոնալության գնահատման համար անհրաժեշտ գործընթացը: Բուժքույրերի կողմից կազմակերպվել է բժշկի խորհրդատվություն, լաբորատոր հետազոտություններ, սրտաբանի, էնդոկրինոլոգի կոնսուլտացիաներ, անալիզների ընդունում, միջմկանային ներարկումներ, ներերակային ներարկումներ բժշկի ցուցումով: Բուժքույրը 4 տարեցի ուղեկցել է Արմավիրի ԲԿ հետազոտման նպատակով, կատարվել է լաբորատոր հետազոտություն, նյարդաբանի, ոսկրաբանի և տեղամասային բժշկի կոնսուլտացիա: Նշանակվել է դեղորայք և միջմկանային ներարկումներ, որոնք տան պայմաններում իրականացրել են բուժքույրերը: Երկու տարեցի ուղեկցել են տեղամասային պոլիկլինիկա: Կազմակերպվել է սրտաբանի տնային այց, կատարվել է սրտի ուլտրաձայնային հետազոտություն: Կազմակերպվել է տնային ռենտգեն հետազոտություն «Մաստեր մեդ» բժշկական կենտրոնի կողմից, որից հետո սոցիալական աշխատողը բուժքրոջ հետ կազմակերպել են երկու տարեցի ստացիոնար բուժումը: Մեկ տարեցի շտապ օգնության մեքենայով տեղափոխել են Արմավիրի ԲԿ, ստացիոնար բուժում ստանալուց հետո դուրս է գրվել և հետագա բուժումը շարունակել է ստանալ տնային պայմաններում՝ բուժքրոջ աջակցությամբ: Ծրագրի շրջանակներում բուժքույրերը շարունակում են տեղամասային պոլիկլինիկայից անվճար ստանալ համապատասխան դեղորայք:

Կենցաղային աշխատողներն իրականացնում են շահառուի անհատական պլանով նախատեսված այցելություններ, կատարում են կենցաղային

սպասարկում, տան մաքրություն, գնումներ, սննդի պատրաստում, ըստ պլանի մշակված այլ գործողություններ՝ անհատական կարիքներին համապատասխան:

2.2 Խնդրում ենք նկարագրել ծրագրի առաջընթացն՝ ըստ սահմանված աշխատանքային պլանի (Գանտի աղյուսակ) և միջոցառումների, նշելով՝ Ձեր կողմից իրականացված գործողությունները և ստացված արդյունքները հաշվետու ժամանակահատվածի համար: Որքանով են նշված գործողությունները նպաստել տվյալ ծրագրի խնդիրների/նպատակի իրականացմանը:

Ծրագրային բոլոր գործողությունները հաշվետու ժամանակահատվածում իրականացվել են համաձայն աշխատանքային պլանի:

Հաշվետու ժամանակահատվածում իրականացվել են ծրագրային նախատեսված արդյունքները հետևյալ չափով.

- Ամսական 47 տարեց և հաշմանդամություն ունեցող անձանց տնային խնամքի ծառայությունների մատուցում,
- Սոցիալական ծառայության տրամադրում խնամքի կարիք ունեցող, կյանքի դժվարին իրավիճակում հայտնված՝ տարեց և/կամ հաշմանդամություն ունեցող 18 տարին լրացած անձանց:

Խնդրում ենք նշել հաշվետու ժամանակահատվածում մշակված նյութերի համացանցում տեղադրված հղումները՝ առկայության դեպքում (օրենսդրական առաջարկություններ, համառոտագրեր, հաշվետվություններ, մեդիա պրոդուկտներ և այլն)

Հաշվետու ժամանակահատվածում մատուցվող ծառայությունների մասին տեղեկատվություն է դրվել ԱԶԿ ՀԿ-ի սոցիալական էջում

<https://www.facebook.com/reel/820412246251237>

<https://www.facebook.com/watch/?v=868844681954140&rdid=R4SaVVIMF0ABD6Pw>

2.3 Խնդրում ենք ներկայացնել հաշվետու ժամանակահատվածում քաղած դասերը և/կամ ծագած խնդիրները, որոնք խոչընդոտել են ծրագրի գործողությունների իրականացմանը:

Հաշվետու ժամանակահատվածում ծրագրի իրականացման էական

2.4 Խնդրում ենք թվարկել հաջորդ հաշվետու ժամանակահատվածի համար նախատեսված գործողությունները (կցելով նաև շահառուների ցուցակը):

Շահառուների ցուցակը կցված է հաշվետվությանը:

- Ծառայությունների մատուցում խնամքի կարիք ունեցող, կյանքի դժվարին իրավիճակում հայտնված՝ տարեց և/կամ հաշմանդամություն ունեցող 18 տարին լրացած անձանց,
- Նոր շահառուների դեպքում՝ կարիքների գնահատում, անհատական սոցիալական ծրագրի կազմում, պայմանագրերի կնքում:

2.5 Խնդրում ենք նշել, Ձեր կողմից իրականացված այն գործողությունները, որոնք նախատեսված չեն եղել ծրագրի աշխատանքային պլանով, բայց իրականացվել են ծրագրի նպատակին հասնելու համար:

- Ծրագրի շրջանակներում շարունակում ենք համագործակցությունը հովանավորների հետ, ովքեր մեր տարեցների ծննդյան օրը նվիրում են անվճար տորթեր, անվճար կտրում և խնամում են մեր տարեցների մազերը: Այժմ ունենք նոր հովանավոր՝ գեղեցկության սրահ, որտեղ գեղեցկացնում և խնամում են մեր տարեցներին :